



BASES ENTROIDO

O vindeiro día 13 de febreiro de 2024 (martes) terá lugar o entroido, sendo festivo local como ven sendo habitual. E polo que este Concello de Carballeda de Avia convoca o concurso de disfraces individuais (infantil e adulto), parellas (infantil e adulto), grupos e comparsas ou agrupacións, e regula os diversos actos ou eventos que se desenrolarán ese día, modificando os actos previstos por mor do mal tempo, mediante a publicación das seguintes:

BASES:

1. A participación implica a aceptación das presentes Bases e está aberta a todas as asociación de veciños, culturais, grupos, colexios, parellas e individuais, adultos e infantís... As dúbidas serán resoltas nos teléfonos 988487000 ou no 636470167 (L.-V. de 09:30 a 14:00hs).
2. As **inscricións** para participar no desfile e polo tanto no concurso nas súas distintas categorías, presentaranse na oficina do Concello de Carballeda de Avia ou no nº **988487000 de luns a venres en horario de 09:30 a 14:00 hs.** **O prazo de inscrición rematará o venres día 9 de febreiro ás 14.00 horas.**
3. Para participar como grupo deberá ter como mínimo 4 compoñentes ata un máximo de 9. Para participar como comparsa ou agrupación deberán ter como mínimo 10 compoñentes. Poderán participar nos concursos infantís as nenas e nenos con idades comprendidas entre os 0 e 12 anos. Maiores de 12 anos corresponden a modalidade de adultos.
4. Os participantes no desfile comprométese a responsabilizarse das accións ou omisións que se produzan durante o mesmo, eximindo á organización de calquera tipo de responsabilidade por ditos actos.



5. Os participantes que leven carrozas, remolques ou outro tipo de vehículos serán responsables dos mesmos e das autorizacións que se lle puidesen requirir ó seu efecto, sendo responsables á súa vez da seguridade dos mesmos. Nos camións colocar “faldóns ríxidos” nas rodas a fin de evitar que ningunha persoa (sobre todo nenos/as) poidan meterse baixo as rodas.

Os participantes veranse obrigados a comunicar as medidas da súa carroza ou remolque á organización no momento da inscrición co fin de adoptar as oportunas medidas de seguridade.

6. A organización resérvase o dereito de participación de Comparsas, Grupos ou Individuais, podendo en calquera momento variar estas bases por razóns de seguridade ou interese xeral, excluindo no momento os que poñan en perigo a seguridade propia ou a de terceiros.
7. Os participantes no desfile atenderán en todo momento as indicacións facilitadas por a organización e por o persoal de Protección Civil.
8. Para optar ós premios é obrigatoria a inscrición previa e a permanencia no lugar dos actos ata a entrega dos mesmos. Igualmente no caso dos grupos, dos que alomenos un 80%, do número total de participantes anotados inicialmente, permanecerán no lugar dos actos.
9. Os/as participantes anotados/as o desfile, deben estar no lugar asignado pola organización ás **16.00 horas** para proceder a súa colocación e comezar en hora o desfile. **O desfile dará comezo ás 16:30 horas.**

Poderán participar no desfile tódalas aquelas persoas que o desexen **previa comunicación** os membros da organización

- Punto de Inicio: a Biblioteca Municipal

- Punto de remate: A alameda

10. A orde de desfile das comparsas seralle comunicado no día do desfile. Así mesmo, e co obxecto de garantir a seguridade dos demais participantes e do público asistente, o persoal de organización e o xurado do concurso quedan facultados para excluír do desfile ou cambiar o seu posto de orde a calquera elemento das comparsas que se considere perigoso (animais de todo tipo, petardos, bengalas...).
11. Queda prohibido o uso de petardos, esprais ou lanzamento de obxectos perigosos ao público, quedando excluídos do concurso os que incumpran este punto.



12. As carrozas e comparsas deberán levar unha velocidade lenta para amosar o seu traballo, non podendo deterse no percorrido, salvo causa maior xustificada.
13. Queda totalmente prohibido levar calquera tipo de animal solto no desfile, quedando a organización capacitada para tomar calquera tipo de decisión sobre este aspecto por motivos de seguridade.
14. O concurso de comparsas e grupos, parellas e individuais nas dúas modalidades tanto adulto como infantil, basearase nun sistema de votacións no que cada un dos membros do Xurado outorgue 10 puntos do 1 ó 10, sendo 1 a máis baixa e 10 a máis alta, os grupos ou comparsas que segundo o seu xuízo, sexan merecedoras de premio. Valorarase entre outros aspectos a creatividade, esforzo na elaboración e posta en escena das creacións. Ó final de dita votación, os membros da organización procederán ó recuento de votos acadando así os premios os que máis votos reciban.

O Concello de Carballeda de Avia declina calquera responsabilidade sobre as votacións que o Xurado emita de cara a elección dos distintos premios.

Os membros do Xurado serán dados a coñecer previo a emisión dos premios. Estes están obrigados a acatar as presentes Bases e a emitir o seu voto no momento de serlle requirido por a Organización, non podendo escusarse baixo ningún concepto. Se por causa de forza maior, debidamente valorada por a Organización, calquera dos membros do Xurado non puidese emitir o seu voto en todas ou algunha das categorías, comunicarllo a Organización e designará un substituto para tal fin.

O Xurado resérvase o dereito a descalificar aquelas persoas con disfraces que, ao seu xuízo, poidan resultar ofensivos, de dubidosa interpretación ou que non cumpran as normas que ao longo da comitiva vaia transmitindo o persoal da organización, que irá debidamente identificado.

15. **As decisións do xurado son inapelables**, atendendo en todo momento calquera tipo de reclamación ó efecto de participación con opción a premio.
16. Os interesados en participar nos **concursos infantil, adulto (individual e parellas), grupos e comparsas**, poderanse anotar no teléfono 988487000 ata o día 9 as 14:30 horas. Se por causa de forza maior (debidamente valorada por a organización) alguén non se puidese anotar para o desfile en tempo e forma e o día do mesmo desee participar no concurso e polo tanto no desfile, podería facelo sempre e canto o comunique debidamente a organización con antelación suficiente.



17. Poderase participar no desfile sen necesidade de optar a premio, polo contrario non se poderá optar a premio sen haber participado previamente no desfile.

18. PREMIOS Á PARTICIPACIÓN:

Establécense os seguintes premios para as persoas participantes nas distintas modalidades de concursos:

- Premio Comparsa (mínimo 10 persoas): **300 €**
 - Premio Grupo (mínimo 4 persoas, máximo 9): **150 €**
 - Premio parellas adulto: **100 €**
 - Premio individual adulto: **50 €**
 - Premio parellas Infantil: **Cheque regalo “Don Dino”** (valorado en 100€)
 - Premio Individual infantil: **Cheque regalo “Don Dino”** (valorado en 50 €)
- **Será obrigatorio recoller o premio disfrazado**, para amosar así o traballo realizado.
 - **Para poder participar no concurso e optar os premios será imprescindible a participación no desfile.**
 - **Os premios faranse entrega o longo da tarde na festa posterior o desfile.**
 - **Se por causas de forza maior o desfile non se puidera celebrar, os premios entregaranse de igual maneira na festa posterior.**

19. O feito de participar supón a plena aceptación das presentes bases. O incumprimento de ditas cláusulas dará lugar á falta de pagamento.

20. As presentes bases modifican as anteriormente publicadas en fecha 23 de xaneiro, por mor dos cambios realizados na programación dos actos previstos para o día, a causa das predicións meteorolóxicas que fan prever un día de rigorosas condicións atmosféricas en toda a provincia.

As presentes Bases non afectan nin modifican os medios e prazos de inscrición marcados en tempo por as anteriores, así como tampouco reducen nin restan categorías premiadas no concurso nin as cuantías dos premios. Pola contra introducen unha categoría nova de premio (grupo 4-9 membros).



21. As presentes Bases serán expostas o público, dende o momento da súa publicación, no taboleiro oficial de anuncios e edictos do edificio consistorial e na páxina web oficial do Concello de Carballeda de Avia, mais aínda que se publique en redes sociais.

22. Tratamento de datos de carácter persoal. Os datos de carácter persoal aportados polas persoas participantes serán tratados polo Concello de Carballeda de Avia como responsable do tratamento, coa finalidade de xestión da participación nas actividades do Entroido 2024 e no concurso individual e de comparsas. Polo tanto, os seus datos serán tratados para poder tramitar a súa solicitude e participación no mesmo, baseada no interese público da actividade e na súa solicitude de participación na mesma.

Os datos relativos as persoas premiadas, así como a súa imaxe, poderán ser obxecto de difusión pública ou publicación, e cando o premio inclúa prestación económica serán comunicados as entidades bancarias co obxecto de realizalo seu pago, á administración tributaria e outro organismos públicos con competencia na xestión e fiscalización contable.

Os datos serán conservados durante o tempo necesario para cumprir coa finalidade para a que foron recollidos e para determinar as posibles responsabilidades que se puideran derivar de dita finalidade e do tratamento dos datos. Será de aplicación o disposto na normativa de arquivos e patrimonio documental español.

Os datos das persoas premiadas con dotación económica conservaranse de conformidade co disposto na normativa tributaria aplicable.

Pode exercitar os seus dereitos de acceso, rectificación, supresión e portabilidade dos seus datos, de limitación e oposición ó seu tratamento, así como a non ser obxecto de decisións baseadas unicamente no tratamento automatizado dos seus datos, cando procedan, ante o Concello de Carballeda de Avia, Rúa Castelao nº4, 32412 Carballeda de Avia (Ourense) ou, no seu caso, ante a Axencia Española de Protección de Datos (www.aepd.es).

Carballeda de Avia, 09 de febreiro de 2024